

„თეოთეპარტოედიონს უჩეოისი წმინდითა სიდაისი ყოველდღეისი სიძინოეზისა. საცა უნდა დადგეთ, იგი ყველგან სიძინოს... ყოველი სასიდაიწილი, რიგისს ჩსმედი ეოფათი თუ სუენაჲ დაძღუენი, ნაწილი-ნაწილიჲ არის დაყოფილი, რამე მოვდას და ძეწინიანს ადვილი იყოს.“

ხობის მოამბე

№7 (7102) 3 აგვისტო, პარასკევი, 2018 წელი. ფასი 0,70 ლარი.

ხობის მუნიციპალიტეტის ბაჭყალითი ორგანო

საპრეზიდენტო არჩევნებო 28 ოქტომბერს გაიმართება



საპრეზიდენტო არჩევნების თარიღი პრეზიდენტმა გიორგი მარგველაშვილმა პრესკონფერენციაზე გამოაცხადა.

„მიღებულია გადაწყვეტილება, რომ მორიგი საპრეზიდენტო არჩევნები დაინიშნოს 2018 წლის 28 ოქტომბერს. ეს გადაწყვეტილება მიღებულია საქართველოს პრემიერ-მინისტრთან შეთანხმებით. ამიტომ, დღეს შესაბამისი დადგენილება გადაეგზავნება პრემიერ-მინისტრს და შემდეგ წარიმართება შესაბამისი პროცედურები“-განაცხადა გიორგი მარგველაშვილმა.



ხობის მუნიციპალიტეტის საკრებულოს სხდომა

31 ივლისს ხობის მუნიციპალიტეტის საკრებულოს სხდომათა დარბაზში გაიმართა საკრებულოს მორიგი სხდომა, რომელსაც უძღვებოდა საკრებულოს თავმჯდომარე ედიშერ ჯობავა.

სხდომას ესწრებოდნენ საკრებულოსა და მერიის ხელმძღვანელი პირები.

სხდომაზე მოისმინეს ხობის მუნიციპალიტეტის 2018 წლის ადგილობრივი ბიუჯეტის იანვარ-ივნისის შესრულების ანგარიში, რომლის თანახმადაც ბიუჯეტის დაზუსტებულმა გეგმამ, საშემოსავლო ნაწილში შეადგინა 10779,9 ათასი ლარი, ხოლო საგასავლო ნაწილში 12682,2 ათასი ლარი.

6 თვის შედეგებით შემოსულობების გეგმა შესრულებულია 50,6%-ით.

საკრებულოს წევრების მიერ 2018 წლის ადგილობრივი

ბიუჯეტის იანვარ-ივნისის შესრულების ანგარიში დამაკმაყოფილებლად იქნა შეფასებული.

სხდომაზე ასევე განიხილეს განკარგულების პროექტი: „ხობის მუნიციპალიტეტის გენდერული თანასწორობის საბჭოს 2018-2019 წლების სამოქმედო გეგმის დამტკიცების შესახებ“, რომელიც მომზადდა არასამთავრობო ორგანიზაცია „ქალთა საინფორმაციო ცენტრის“ მხარდაჭერით.

წარმოდგენილი განკარგულების პროექტით გაწერილია კანონით გათვალისწინებული ის აუცილებელი ღონისძიებები, რომლებიც უნდა გატარდეს მუნიციპალიტეტის მხრიდან გენდერულ ჭრილში, გეგმით დადგენილ პერიოდში.

დღის წესრიგით გათვალისწინებული ამ და სხვა საკითხების განხილვის შემდეგ საკრებულოს სხდომა დახურულად გამოცხადდა.

ტკივილადქცეული თარიღი-8 აგვისტო

დრომ ვერ გაანელა სევდა, ვერ დააშრო ცრემლი, ვერ გატეხა რწმენა, რომ ლომგულა ვაჟკაცები კიდევაც დაიზრდებიან...

ვღვევარ აგვისტოს ომში დაღუპულთა მემორიალთან, ვკითხულობ თქვენს-სახელ გვარებს, (უაზროდ ვაყოლებ თვალს ასობებს, რადგან ზეპირადაც ვიცი, რაც წერია, რა დამავიწყებს) გოგა ბერაია, მიხეილ იოსავა, ლევან ჭოჭუა, დათა ხურცილავა, გოგა ჭითანავა, ზვიად დათუაშვილი, ლევან ტურავა, გოგიტა ქარჩავა, რამაზ კიტია და მიხარია, რომ საქართველო თქვენი სახელით შეიმოსა, შეცვლილი სახელი-„უკვლავა“ შეგესისხლხორცათ და შეგიმშვენათ...

მიწა სხეულს ჭამს, სული მუდამ ჩვენთან ტრიალებს. ისევე არ გვტოვებს, როგორც ჩვენ არ ვტოვებთ და ისევე ვუყვარვართ, როგორც ჩვენ ისინი.

უკვლავია ჩვენი ერი და ქვეყანა, მის აღმშენებლობასა და უკვლავებაში თითო აგური თქვენი, ბიჭებო!

საქართველო ბრწყინავს



თქვენი, რადგან თქვენი თვლების სხივი სამარადისოდ აძლევს მას ბრწყინვალეობას...

თქვენ თქვენი ახალგაზრდული ცხოვრება მარგალიტებად აკინძეთ და სამუდამოდ ანათეთ წუთისოფელს, სადაც ჩვენ სტუმრად ვართ...

არა მარტო ჩემს თაობას, არამედ თქვენს თანამედროვეთაც უკვე ჭაღარა შეპარვიათ, თვალთა უკვებს ნაოჭი გაჰყოლია... თქვენს მშობლებსა და ახლობლებზე არას ვამბობ, შეხვედრისას ვითომ სიხარულიან სალამს მოგაგებებენ და თვალის სიღრმეში უსაშველო

სევდა რომ ჩაგუბებიათ... ყველანი წუთისოფლის სტუმრები ვართ, დღეს ჩვენ გესიყვარულებით სევდიანი და ცრემლიანი სიტყვებით, ზვალ ვინძლო ჩვენ „ვითხოვდეთ“ იგივეს.

მთავარია გვახსოვხართ, გვიყვარხართ, გუფერებით და ჩვენს მომავალ თაობებს ვასწავლით რა არის სამშობლოსთვის თავდადება, რომ თქვენი სახელები უკვლავია, ვითარცა საქართველო.

კიდევ ერთხელ გეტყვით- უკვდავებასთან ხართ წილნაყარნი...

მერი ლავილავა.

ხობი - „ცოტნეობა“-2018



12 აგვისტო
ცოცნე ფაფიანის
(აფსისორელის)
სენგინის ფფ-
საეკლესიო,
სახალხო
ფფსასნაოლი.

გ ი ლ ო ნ ა ვ თ !

ჩვენს მუნიციპალიტეტში

საერთაშორისო „კონსერვაცია—ლია პარლამენტის დღე“ გაიმართა



წევრები ღია პარლამენტის პრინციპების დანერგვის გზაზე. ღონისძიებას ხობის მუნიციპალიტეტის მერი გოჩა ქაჯაია და საკრებულოს თავმჯდომარე ედიშერ ჯობაჯა ესწრებოდნენ.

კონფერენციაზე გამართული მსჯელობა შეეხო საკანონმდებლო გამჭვირვალობისა და ანგარიშგაღებულების გაზრდას. მონაწილეებმა ისაუბრეს საპარლამენტო საქმიანობაში მოქალაქეთა ჩართულობის ახალ გზებზე, როგორცაა მონაწილეობითი კანონშემოქმედება (crowdlaw) და ინოვაციური ტექნოლოგიების გამოყენება. მათ, ასევე განიხილეს საკანონმდებლო ჩართულობის პოლიტიკა, რომელიც ღია მმართველობის პარტნიორობის (OGP) მმართველმა კომიტეტმა 2016 წლის სექტემბერში მიიღო.

საპარლამენტო ღიაობის დღის ორგანიზატორი იყო საქართველოს პარლამენტი ღია მმართველობის პარტნიორობასთან (OGP) თანამშრომლობით, ხოლო მხარდამჭერები - ევროკავშირი (EU), გაეროს განვითარების პროგრამა (UNDP), აშშ საერთაშორისო განვითარების სააგენტოს დემოკრატიული მმართველობის ინიციატივა (USAID/GGI), გერმანიის საერთაშორისო თანამშრომლობის საზოგადოება (GIZ), ეროვნული დემოკრატიული ინსტიტუტი (NDI) და ინფორმაციის თავისუფლების განვითარების ინსტიტუტი (IDFI).

გურიულში კვირიკესა და ივლიტას ხსენების დღე აღნიშნეს



ეს დღესასწაული წლებია განსაკუთრებულად აღინიშნება გურიულის ადმინისტრაციულ ერთეულში, სადაც, წმინდა კვირიკეს და ივლიტას სახელობის ეკლესია შენდება.

მოწამეთა ხსენების დღეს ხობის წმინდა სამების სახელობის ეკლესიის წინამძღვარმა, დეკანოზმა კირიონ დარასელიამ პარაკლისი გადაიხადა. ღვთისმსახურების დასრულების შემდეგ ადგილობრივი შემსრულებლების მონაწილეობით კონცერტი გაიმართა. დღესასწაულისადმი მიძღვნილ ღონისძიებას საქართველოს პარლამენტის წევრი ირაკლი (დაჩი) ბერაია, ხობის მუნიციპალიტეტის მერი გოჩა ქაჯაია და საკრებულოს თავმჯდომარე ედიშერ ჯობაჯა ესწრებოდნენ. დეპუტატმა და თვითმმართველობის ხელმძღვანელმა პირებმა ადგილობრივ მოსახლეობას წმინდა მოწამეთა ხსენების დღე მიულოცეს.



საქართველოს პარლამენტის დეპუტატი ჰიდროკვანის რაიონის მუნიციპალიტეტის პარლამენტის შენობის გახსნა

ქალაქ ფოთთან, მდინარე რიონის წყალგამყოფი ჰიდროკვანის სარეაბილიტაციო სამუშაოები მიმდინარეობს, წყალგამყოფი ჰიდროკვანის რეაბილიტაციის პროცესს საქართველოს პარლამენტის წევრი ირაკლი (დაჩი) ბერაია, ხობის მუნიციპალიტეტის საკრებულოს თავმჯდომარე ედიშერ ჯობაჯა და ხობის მუნიციპალიტეტის მერი გოჩა ქაჯაია გაეცნენ.



პროექტის ფარგლებში აღდგება სარეგულაციო ჰიდროკვანი, კაშხლისა და რეგულატორის ელექტრომექანიკური მოწყობილობები, გარემონტდება წყალგამყოფი კვანძის კონსტრუქცია და დამხმარე ნაგებობები.

მდინარე რიონის ადიდების დროს ჰიდროკვანში უზრუნველყოფს პატარა ფოთის და ჭალადიდის ტერიტორიების დაცვას.

პროექტს, რომლის ღირებულებაც 1 340 000 ლარია, გარემოს დაცვისა და სოფლის მეურნეობის სამინისტროს საქვეუწყებო დაწესებულება შპს „საქართველოს მელიორაცია“ ახორციელებს.

ქარიატაში „გენდერულ საკითხებზე“ შეხვედრა გაიმართა

ხობის მუნიციპალიტეტის ქარიატის ადმინისტრაციულ ერთეულში, ხობის მუნიციპალიტეტის მერიის პირველი კატეგორიის უფროსმა სპეციალისტმა გენდერული თანასწორობის საკითხებში თამუნა სიჭინავამ, მოსახლეობასთან საინფორმაციო სახის შეხვედრა ჩაატარა.

აღნიშნულ შეხვედრაზე დამსწრე საზოგადოებას მიეწოდა ინფორმაცია გენდერული თანასწორობის პრინციპებზე, ძირითადი ცნებების განსაზღვრებებზე, გენდერულ როლსა და სტერეოტიპებზე, გენდერულ დისკრიმინაციაზე, ოჯახში ძალადობასა და ძალადობისაგან დაცვის მექანიზმებზე.

საინფორმაციო შეხვედრას ადგი-



ლობრივ მოსახლეობასთან ერთად მერის წარმომადგენელი ქარიატის ადმინისტრაციულ ერთეულში ირაკლი ბერაია და განათლების და განვითარების ცენტრის—„თოლისკური-ს“ ხელმძღვანელი გვანცა კიკალეიშვილი ესწრებოდნენ.

ქალთა უფლებებისა და გენდერული თანასწორობის საკითხებზე საინფორმაციო ხასიათის შეხვედრა ხობის მუნიციპალიტეტის სხვა ადმინისტრაციულ ერთეულებშიც გაიმართება.

გალმა საჯიჯაოში ხიდის მშენებლობა დაწყებულია

ხობის მუნიციპალიტეტის საჯიჯაოს ადმინისტრაციულ ერთეულში, სოფელ გალმა საჯიჯაოში მდინარე ზენიძეაზე სამაქანო ხიდი ჩაინგრა და სოფელთან დაკავშირება შეუძლებელი გახდა.

საქართველოს პარლამენტის მაჟორიტარი წევრი ირაკლი (დაჩი) ბერაია მუნიციპალიტეტის მერთან გოჩა ქაჯაიასთან, მერის წარმომადგენელთან ედიშერ ფოცხორაიასთან და მთავარ სპეციალისტთან ჯამბულ კვარაცხელიასთან ერთად ადგილზე იმყოფებოდა და გაეცნო შექმნილ ვითარებას.

მოხერხდა მდინარეზე გადასასვლელი ალტერნატიული დროებითი გზის გაჭრა. როგორც მაჟორიტარმა აღნიშნა, ჩანგრეულ ხიდზე საფეხმავლო ბილიკის დამაგრება და მეორე ალტერნატიული დროებითი გზის მოწყობა დაიწყო. პარალელურად დაჩქარებული წესით განხორციელდება ჩანგრეული ხიდის აღდგენა-მშენებლობა.

არსებობს სოფელთან დამაკავშირებელი მეორე ხიდიც, რომლის მშენებლობა უკვე დაწყებულია და სამშენებლო სამუშაოები მიმდინარე წელს დასრულდება.

ნომრის სტუმარი



კობა თუთბერიძე – ხობის მუნიციპალიტეტის მერის წარმომადგენელი ქალაქ ხობში.

კობა, თქვენი სახელი ხობში ყოველთვის სპორტულ წარმატებებთან ასოცირდება და ის საპატიო მისია გახლდათ. დღეს კი უფრო პრესტიჟულ თანამდებობაზე მოღვაწიობთ. რას გვეტყვი, რა არის თქვენი მოქმედების არეალი და რას ნიშნავს ეს სამსახური კობა თუთბერიძისთვის?

–უპირველესად დიდი მადლობა თქვენ, გაზეთ „ნობის მოამბეს“, რომ კიდევ ერთხელ მომეცით საშუალება მივესალმო ჩემს ხობელებს.

იყო მერის წარმომადგენელი ხობის ადმინისტრაციულ ერთეულში, უდიდესი ვალდებულება და პასუხისმგებლობა იმ პოლიტიკური გუნდის მიმართ, რომელმაც ნდობა გამომიცხადა და ამავე დროს, ჩემი თანაქალაქელების წინაშე.

ხობი ჩემი მშობლიური ქალაქია, სადაც დაიბადე და გაატარე ჩემი ცხოვრების შეგნებული წლები. აქედან გამომდინარე, ჩემთვის ხობი იმდენად ფასეულია, რომ მისთვის სამსახური დიდი პატივია.

როგორ შეეგუეთ ახალ თანამდებობას (სამსახურეობრივი კონტრასტების გამო), რა არის დღეს თქვენთვის, როგორც მუნიციპალიტეტის მერის წარმომადგენლისთვის, ხობისთვის მნიშვნელოვანი საქმეები.

–საქმეები პირობითად შეგვიძლია ორ ნაწილად დავყოთ. ყოველდღიური, რომელიც გულისხმობს მოქალაქეთა მომსახურებას, მათ დაკავალიანებას სხვადასხვა მიმართულებით. ჩემი კომპეტენციიდან გამომდინარე, მაქვს მოქალაქეებთან ურთიერთობის რეკომენდირებული ფორმა და მე და ჩემი თანამშრომლები ყველაფერს ვაკეთებთ იმისთვის, რათა ჩვენთან მოსულმა მოქალაქეებმა მიიღონ ამომწურავი ინფორმაცია და ნორმალური სერვისი. და მეორე. სასიცოცხლოდ მნიშვნელოვანი საქმეებია. ხშირად ვხვდებით ქალაქის მოსახლეობას. ეს არის საშუალება ადგილზე გავცნო მათ პრობლემებს და ყოველდღიური ცხოვრების ხარისხს. მო-

სახლეობის ყოფითი პრობლემები კარგად არის დანახული ადგილობრივი ხელისუფლების მიერ და ხდება შესაბამისი სამსახურებთან ერთად მათი გადაჭრის გზების ძიება. პრობლემათაგან გამოვყოფდი აზიურ ფაროსანასთან ბრძოლას. დღეისდღობით შეიძლება ითქვას №1 პრობლემა რეგიონში. მთავრობის მიერ გამოყოფილი რესურსებით, ქალაქის მასშტაბით

–ჩვენი ქალაქის და საერთოდ, მუნიციპალიტეტის განვითარება შეუქცევადი პროცესია. პრიორიტეტი ქალაქის უკეთესი მომავალია. უნდა გვექონდეს ლამაზი, ინფრასტრუქტურულად გამართული ქალაქი ხობი. უნდა დავიმკვიდროთ სუფთა ქალაქის იმიჯი. ამისთვის კი ეტაპობრივად ყველაფერი კეთდება შესაბამისი სამსახურების მიერ. ყველა ქუ-

ტანს ხობელებს. ის, რაც ამ მოკლე დროში განახორციელეთ თქვენი ინიციატივით და საერთოდ ის, რაც გააკეთდა?

–მივესალმები ადგილობრივი ხელისუფლების თითოეულ ინიციატივას. ქალაქში ბევრი საინტერესო და სასიკეთო პროექტები ხორციელდება. ჩვენ, ადგილობრივი ხელისუფლების დახმარებით, ქალაქის დეპუტატების, რიგითი ხობელების ჩართულობით, ყოველდღიურად ვცდილობთ ქალაქს სიახლე შეემატოს, პრობლემები შეძლებისდაგვარად მოგვარდეს. ეს არცთუ მარტივი პროცესია. ინიციატივები, გეგმები მრავალფეროვანია, თუმცა მათი მოქმედების რელსებზე და-

ბატონო კობა, ამ სამსახურს როგორ დაუკავშირებდით სპორტულ ცხოვრებას(თქვენს ბოლოდროინდელ სპორტულ წარმატებებზე ცოტა რამ მოგვიყვით)?

–სპორტი ჩემი ცხოვრების განუყოფელი ნაწილია. სპორტში ყალიბდები ადამიანად, რამეთუ სწავლობ შრომას, პატივს სცემ სხვის შრომას და ცდილობ ყოველთვის გზავსაყარზე დარჩე ადამიანად...

დაფასდა ჩემი შრომა. 2017 წელს, საქართველოს სპორტისა და ახალგაზრდულ საქმეთა სამინისტრომ მომანიჭა საქართველოს სპორტის დამსახურებული მწვრთნელის წოდება, რაც ჩემთვის სასიხარულოც არის და ორმაგად საპასუხისმგებლო.

რაც შეეხება ბოლოდროინდელ შედეგებს, მაისის ბოლოს ბულგარეთის ქალაქ სოფიაში გამართულ ევროპის ჩემპიონატზე მკლავჭიდში,საქართველოს ნაკრებმა ჯამში III სხვადასხვა სინჯის მედალი და გუნდური პირველი ადგილი მოიპოვა. ჩემი მოსწავლეების მონაგარი 1 ოქრო, 3 ვერცხლი და 2 ბრინჯაო იყო. ძალიან ბედნიე-

პრიორიტეტი – ქალაქის უკეთესი მომავალი

უკვე რამდენჯერ განხორციელდა თერმული წესით შეწამლვითი სამუშაოები. შედეგიც თვალშისაცემია. მართალია, მწერის პოპულაცია მკვეთრად შემცირებულია, თუმცა ის მაინც ანგარიშგასაწვევია. შემდგომ ეტაპზე დაიწყება მასივების ხსნარით დამუშავება. ადგილობრივი ხელისუფლება, სოფლის მეურნეობისა და მონიტორინგის სპეციალისტებთან ერთად თავდაუზოგავად მუშაობენ, რათა მოსახლეობამ რაც შეიძლება მეტი მოსავალი მოიწიოს.

აგრეთვე აქტიურად ურთობენ პრობლემად რჩება ქალაქის ერთ-ერთი უბნის (კოლხეთის დასახლება) წყალმომარაგების საკითხი. მათ წლებია არ მიეწოდებათ მაგისტრალური სასმელი წყალი. მიმდინარეობდა კონსულტაციები მუნიციპალიტეტის მერთან. ამ პრობლემის მოსაგვარებლად კომპლექსურად ჩართულია ადგილობრივი ხელისუფლება და ვფიქრობ, ეს საკითხი მოკლე ხანში დადებითად გადაიჭრება.

ის, რითაც დაიწყეთ მოღვაწეობის პირველი დღეები...

–სამსახურში დამხვდა პროფესიონალთა გუნდი. შეიძლება ითქვას, ეს უკვე წარმატებული საქმეების კეთების წინაპირობაა. პირველსავე დღეებში ფეხდაფეხ დავიარე ქალაქის თითქმის ყველა უბანი, ყველა ქუჩა... მქონდა არაერთი შეხვედრა მოქალაქეებთან. მონახაზი, თუ სად რა პრობლემაა. ერთ დღეში ყველაფრის მოგვარება შეუძლებელია, თუმცა პრობლემები, რომლებიც მოსახლეობას აწუხებს, ვფიქრობ, ნაწილობრივ დაძლეულია.

თქვენი პრიორიტეტები...

ჩაზე განაწილდა ან ნაწილდება სანაგვე ურნები, ხდება შიდა არხების ამოწმენდა და ა.შ.

მაღე ქალაქს შეემატება მრავალფუნქციური სპორტული კომპლექსი. ახდება მრავალი თაობის ოცნება. ხობში კვლავაც დაიზრდება მსოფლიო დონის სპორტსმენები.

უახლოეს დღეებში დაიწყება ხობისთვის საუკუნის პროექტი – „ახალგაზრდული პარკის“ მშენებლობა და ეს იქნება იდეალური ადგილი მოსახლეობის დასვენებისა და გართობისთვის. ამისთვის ხობელების სახელით, მადლობა ამ საქმის ინიციატორს და მხარდამჭერს – საქართველოს პარლამენტში ხობის მაჟორიტარ დეპუტატს ბატონ ირაკლი (დაჩი) ბერაიას.

რაში გამოიხატება ხობელებზე კეთილდღეობისთვის მათი ზრუნვა და ყურადღება (ამბობენ, ძალზე ყურადღებიანიაო).

–ცოტა გადაჭარბებულად მეჩვენება ეს ეპითეტი. მიმანია, მართლმადიდებელი ქრისტიანი უყურადღებო ნამდვილად არ უნდა იყოს. დღეს, როგორც არასდროს, ისე სჭირდება ადამიანებს ერთმანეთის თანადგომა და თანაგრძნობა. მე ერთი რიგითი ხობელი ვარ. ვემსახურები ჩემს ქალაქს, როგორც შემთხვევით. დანარჩენს ხალხი შეაფასებს. თითოეულ ჩემს თანაქალაქელს ვიცნობ. ვცდილობ, არ ვიყო ინდეფერენტული ადამიანი. თუკი რამეს მივადწიე ცხოვრებაში, ეს იყო დაუღალავი შრომის შედეგი. არ დავიზარებ, მთელი ჩემი ცოდნა, გამოცდილება და ენერჯია მივმართო ჩემი ქალაქის საკეთილდღეოდ და ვაკეთო ის საქმე, რომელიც სარგებლობას მოუ-

ყენებას დიდი ძალისხმევა სჭირდება, მაგრამ როცა ყველა უკეთესობისთვის ზრუნავს, იქ ყველაფერი გამოვა. თქვენი ინიციატივითო მკითხეთ, თუ რამ



პირადი ინიციატივით გამოიკეთებია, თუ ვინმესთვის დახმარების ხელი გამიწვდენია, ეს ნამდვილად არ ღირს სათქმელად. ეს მევალება არა როგორც ქალაქის ხელმძღვანელს, არამედ როგორც რიგით ხობელს...

რა არის პერსპექტიული მომავალი?

–მომავალზე ზრუნვა უპირველესია.ხობი მომავლის ქალაქია. აქ უნდა იცხოვრონ ჩვენმა შვილებმა,შვილიშვილებმა, მათმა შვილებმა... ნაბიჯ-ნაბიჯ, სწორი დაგეგმვით შეიძლება იმის მიღწევა, რომ ქალაქი, მისი ინფრასტრუქტურა საინტერესო და მისაბამი გახდეს მთელს ქვეყანაში. და მაშინ არ მოხდება ინტელექტუალური რეზერვის გადინება, ეს თავის მხრივ, მომავლის უზრუნველყოფაა...

რი და ამაყი ვარ. ყოველთვის მითქვამს და ვამბობ,ხობში რაღაც სხვანაირი, დიდი სპორტული მადლი ტრიალებს. აქ კვლავ აღიზრდებიან ხალასი ნიჭისა და შრომის სიყვარულით დაჯილდოებული ადამიანები, რომლებიც შემდგომში დიდი სპორტსმენები, მუსიკოსები, მეცნიერები, ფერმერები გამოვლენ...

ჩემს დატვირთულ დღის რეჟიმში მკლავჭიდს გარკვეული დრო ეთმობა და საერთოდ, ვცდილობ, სამსახურსაც შევხედო სპორტული ჟინით. უნდა მოერიო პრობლემებს, ბევრი უნდა იშრომო. იცოდე დამარცხების სიმწარეც და გამარჯვების სიხარული. ამჟამად მაინც მკლავჭიდზე გავდივარ, ოღონდ ცხოვრებაში...

გმადლობთ ინტერვიუსთვის. **ესაუბრა ნანი კიკლასონია.**

„Colovfest“ შერადი ფესტივალი

„ჭადრების ხეივანი“...
ფანტასტიკური, კაშკაშა ფერადი ფესტივალი...
ადგილობრივი და მოწვეული სტუმრები...
გასართობები, თამაშობები...

მქონე, ზოგჯერ „მკაცრი“, მხიარული, სიყვარულით სავსე გონა და მის გარშემო უღრუბლო ცა...
და რაც მთავარია, ახალგაზრდები, რომლებიც აღფრთოვანდებიან...



„ოკვანწეები“...
ოვაციები...
ლიმილი, სიხარული, სიყვარული...
ნობი. 2018...
ღია ცის ქვეშ კურსდამთავრებულთათვის მიძღვნილი კონცერტი...
ჩაკეტილი სივრციდან გაქცევისა და ერთად ყოფნის, ერთმანეთის სიყვარულისა და მოფერების, გართობის, ცეკვა-თამაშის, ფერთა სასწაულის, შეუდარებელი სილამაზის, ფრინველების ჭიკჭიკის, ფოთლების შრიალის და ახალგაზრდების

„ეს ყველაფერი ამ ბავშვების ბასართობად ღირდა“

ნებული იყო მის მიერ ორგანიზებული ღონისძიებები.
ეს ჩანაწერი სრულად ვერ გადმოგვცემს იმ დიდ ემოციას, რაც იმ დღეს თითოეულმა

კარგ ინიციატივას ჩაეყარა საფუძველი.
ნინო, ნინო, ნინოლო...
კონცერტმა სრული ანშლანგით ჩაიარა...
სცენაზე წამით არ წყდებოდა მუსიკა...
იყო ტაში, ოვაციები, შეძახილები. ისმოდა ალტაცების გამომხატველი სიტყვები. ახალგაზრდები დაუსრულებლად ვივლით მთელ ღუნიაზე.
სწორედ ამ ახალგაზრდების მსგავსმა, მათსავით მოაზროვნე, გულწრფელმა და შემართულმა ქალიშვილებმა და ჭაბუკებმა უნდა უპატრონონ, მოუარონ და ასახელონ ჩვენი ქვეყანა და რა თქმა უნდა, ხობი. ხვალინდელი დღე ახალგაზრდებისაა.

დასასრულს ვისრებლებ შემთხვევით, შანსს ხელიდან არ გავუშვებ და შემოგთავაზებთ ექსკლუზიურ ინტერვიუს ხობის მუნიციპალიტეტის კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურის პირველი კატეგორიის უფროს სპეციალისტს კულტურისა და განათლების საკითხებში **ნიკო სიჭინავასთან.**
რითი დაიწყებდით



ახალგაზრდობა აღფრთოვანებული იყო „ფერადი ფესტივალით“, რომელიც თქვენი ორგანიზებით ჩატარდა.

–ეს ღონისძიება, ხობის მაჟორიტარი დეპუტატის ინიციატივით ჩატარდა. მისი მიზანი იყო ხობელი ახალგაზრდების ჩართულობა. შემდეგ რა თქმა უნდა, ადგილობრივი თვითმმართველობის თანადგომით მოხდა საბოლოო სახის მიცემა. ეს ღონისძიება იყო ჩემი ერთგვარი გამოცდა, როგორც საზოგადოებასთან, ასევე საკუთარ თავთან და ვთვლი, რომ წარმატებით ჩავაბარე...

მიხარია, რომ მოეწონათ და კიდევ მრავალ, უფრო საინტერესო ღონისძიებას ვპირდებით ჩვენს ახალგაზრდობას.

თვლით, რომ თქვენ ბედნიერ ვარსკვლავზე ხართ დაბადებული?

–ბევრი წინააღმდეგობა მქონია დღემდე, ვიცი რომ კიდევ ბევრი მექნება, მაგრამ მაინც ვთვლი, ხელმომართული ვარ ცხოვრებაში.

გიყვართ ხობი?

–მიუხედავად იმისა, რომ ხობელი არ ვარ, მაქვს გარკვეული ვალდებულებები მის წინაშე. ხობმა მიმიღო დიდი სიყვარულით, რისთვისაც მადლობას ვუხდი ხობელებს. მიყვარს ადამიანები, რომლებიც ამ ქალაქში ცხოვრობენ.

შენი მთავარი კრიტერიუმი?

–ვთვლი, რომ მთავარი კრიტერიუმი განათლებაა, ადამიანის ინტელექტუალური და მორალური უნარ-ჩვევების განვითარება.

ბუნებამ უთხრა ქალს, იყავი მშვენიერი, თუ შეგიძლია ბრძენი თუ გინდა?..

–აქალბათ პიერ ბომარშეს დავესესხები და დავასრულებ „მაგრამ კეთილი და გონიერი უსათუოდ უნდა იყო“. ქალისთვის მნიშვნელოვანია საღად მსჯელობა და გამჭრიახობა. არ ვეთანხმები და ვთვლი, ალბათ, სექსისტურად უღერს, რომ ლამაზ ქალს გონების დაძაბვა



გამოცოცხლების ზაფხულის თაკარა დღე...
პოზიტიური განწყობა, მომხიბვლელი და ბედნიერი გოგობიჭები.
ნინო სიჭინავა–ამ პროექტის ორგანიზატორი და სულის ჩამდგმელი:
–„ეს ყველაფერი ამ ბავშვების გასართობად ღირდა, მადლობა თითოეულ თქვენთაგანს. უთქვენოდ არაფერი გამოვივიდოდა, მიხარია, რომ გაგახარეთ, კიდევ ბევრჯერ მიიღებთ ასეთ სიხარულს ჩემგან“.
უნდა აღვნიშნო, ჟურნალისტის ერთი დამახასიათებელი თვისება–ცდილობს, პიროვნებაში დაინახოს ყველაფერი, რაც მას სხვებისგან განასხვავებს, გამოარჩევს.
მე მასში დავინახე „მუდამ გაზაფხული“, თავისუფალი, გამორჩეული, აქტიური, განსხვავებული, ნიჭიერი, ელევანტური, გონიერი, კომუნიკაბელური. დიდი პასუხისმგებლობის

იქ მყოფმა განიცადა, ულამაზესი, უძლიერესი ემოციებით დატვირთული დღე ყველა ჩვენთაგანისთვის დაუვიწყარი იქნება. ჩემო მეგობრებო! სანამ დაგემშვიდობებოდეთ, იმასაც მოგიყვებით, რა თქვენს ახალგაზრდებმა ამ ღონისძიების შესახებ–ხობი მაგარია, ჩვენ ვხედავთ მზეს.
თქვენ გამოაცოცხლეთ ახალგაზრდობა. ბედნიერი ვართ, რომ ხობში, „ჭადრების ხეივანში“ შენდება გასართობი პარკი, რომელიც ჩვენს ქალაქს უფრო მიმზიდველს გახდის. ბრავო ირაკლი (დაჩი) ბერაიას ამ პროექტის მხარდაჭერისთვის...
ეს სასწაული კიდევ, კიდევ...

ღონისძიებაში მონაწილეობდა ხობელი გიორგი თათარიშვილის მეგობრები–მუსიკოსები თბილისიდან. PL-მაშო ავალიანი, თორნიკე ჩომახიძე, დავით ხეჩაშვილი მეგობრებთან ერთად (დიმა ჭუმბურიძე და ლევან შერვაშიძე), ზუგდიდიდან ჯგუფი uaden-7 და ანაკლიის საერთაშორისო ფესტივალში გამრჯეული ჯგუფი (1 ადგილი) „colden voice“ (ხელმძღვანელი ლაშა კვიციანი) მადლობა მათ მხარდაჭერისთვის, თანადგომისთვის, მადლობა გიორგი თათარიშვილს.
ხობელი ახალგაზრდები მე-



გი პაპავა, ლიზი ცანავა, ანა ვეკუა, მუსიკალური სკოლის გუნდი ელენე ფარფალია, ნია კვაშილავა, ქორეოგრაფიული ანსამბლი „ლაზიკა“ (ხელმძღვანელი პაატა ჭითაშვილი) და თვითნასწავლი მოცეკვავეები ხეივანიდან–ლია ბუკია, ნანუკა ქირია, ნინი ბუკია...

საუბარს?

–მივესალმები გაზეთ „ხობის მოამბეს“ მკითხველს. მე ნინო ვარ (ნინუცა) სიჭინავა. დავიბადე ქ.ზუგდიდში. ხობი ჩემი დედუღეთია, ბავშვობაში ხობის ხშირი სტუმარი ვიყავი, უკვე 6 წელია აქ ვცხოვრობ დედასთან და დედასთან ერთად.

თქვენი მოსვლით კულტურის სამსახურში?

–რაც შეეხება კულტურის სამსახურს აქ რამოდენიმე თვეა მოვედი და ჯერ კიდევ სწავლის პროცესში ვარ, რაშიც მეხმარება ის დიდი გუნდი, რომელიც დამხვდა და თბილად მიმიღო.

პროფესიით ფინანსისტი ვარ, თუმცა, ხელოვნებასთან წლების წინ საკმაოდ მჭიდრო კავშირი მქონდა. ვსწავლობდი თბილისში, ზ.ფალიაშვილის სახელობის ცენტრალურ სამუსიკო სკოლაში „ნიჭიერთა ათწლეულში“. ვოცნებობდი გავმხდარიყავი პროფესიონალი პიანისტი, მაგრამ ახლა უკვე, როგორც მოყვარულისა და კულტურის დარგის მუშაკისთვის მას დიდი მნიშვნელობა აქვს ჩემს ცხოვრებაში. მუსიკა არის შემოქმედება, ადამიანის უნივერსალური დამოკიდებულება სამყაროსადმი.

ჩემთვის პრიორიტეტი ახალგაზრდებია, ვცდები ბევრი ხალისიანი დღე ვაჩუქო მათ.

თქვენი ჰობი?

–ჩემი ჰობი მუსიკაა. წარმოუდგენელია ჩემი სამყარო მუსიკის გარეშე, მუსიკა, რომელიც სიცოცხლის გარკვეულ მომენტებს ფერებს სძენს.

4

ნაკლებად უწევს.

გატაცების საგანი?

–აქ ისევ მუსიკას დავა-სახელებდი.

სიურპრიზების მიღება უფრო მოგწონთ თუ მოწყობა?

–არ მიყვარს მოულოდნელობები, შესაბამისად, არც სიურპრიზები მხიბლავს.

რომანტიკოსი ბრძანდებით?

–გარკვეულწილად ალბათ ვარ, მაგრამ უფრო რეალისტი მგონია საკუთარი თავი.

რა არის სიყვარული?

–სიყვარული ღვთისგან ბოძებული უმთავრესი გრძნობაა. სიყვარული ყველაფერია, სიყვარულის გარეშე გაკეთებული არც ერთი საქმე არ გამოვა, ის ყველაფერს ალა-მაზებს და აკეთილშობილებს.

ნატურის ახდენამდე...

–ჩვენთვის მომადლებული თავისუფლება ფართო შე-საძლებლობებს იძლევა არჩევანისთვის, ამიტომ ვთვლი, რომ ჩვენივე ბედისწერას ჩვენ თვითონვე ვქმნით.

ხვალინდელი დღე...

–ხვალინდელი დღე არის იმედი, სწრაფვა სრულყოფი-ლებისკენ.

თავისუფლება...

–თავისუფლებაზე საუბარი ამოუწურავად შეიძლება...ის არის ზოგადი, კონკრეტულიც, აბსტრაქტულიც... თავისუფლება ძალიან დიდი პა-სუხისმგებლობაა საკუთარი თავის, უფლის და გარშემო მყოფთა (ქვეყნის) წინაშე, თუ ეს არ აქვს ადამიანს გაცნობიერებული, „სრულიად“ თავისუფალი ადამიანი საშიშიც კია საზოგადოებისთვის (თავისუფ-ლებიდან ცხოველურ ინსტინ-ქტამდე ერთი ნაბიჯია).

ჯერ არ გითქვამთ თქვენი სათქმელი?

–რა თქმა უნდა არა. სათ-ქმელს ერთბაშად ვერ ვიტყვი, ეს ცხოვრებისეული გამოცდი-ლებაა, რომელიც ნელ-ნელა გიგროვდება და შეიძლება სრუ-ლიად, მოულოდნელად ერთ მშვენიერ დღეს რაღაც განსა-კუთრებული საქმით, ან საქცი-ელთ თქვა შენი სათქმელი.

ოცნებობთ...

–იმავითად ვოცნებობ... იმა-ზე უფრო მეტად ვფიქრობ რი-სი გაკეთებაც რეალურად შე-მიძლია.

თქვენი ხასიათი...

–ხასიათით სანგვინიკისა და ქოლერიკის ნაერთი ვარ. ძლი-ერი ემოციების მქონე, აფექ-ტურიც, მოძრავი, სწრაფად-ცვალებადი. ვთვლი, რომ და-დებითი ემოციების მატა-რებელი ვარ...

ამას უფრო ჩემი მეგობრები და გარშემომყოფები შეაფა-სებენ!

გმადლობთ!

ნაირა ბერაია

„aisi-ს“ შოუ კონცერტი დიახ, სწორედ აქ ემდებრა გულს, სადაც ჩვენი ბავშვებია, ჩვენი ხვალინდელი დღე, ჩვე-ნი ქვეყნის მომავალი...

„ბავშვობა ხომ ბედნიერი, ყველაზე ლამაზი, დაუვიწყა-რი, ყველაზე სუფთა და ნა-თელი წერტილია თითოეული ჩვენთაგანის-ყველა ადამიანის ცხოვრებაში.

დღეს სწორედ ასეთ ლამაზ, საყვარელ არსებებთან, ჩვენს მომავალ თაობასთან ერთად სასიამოვნო წუთებს გავატა-რებთ, მათ სურთ თავი წარ-მოაჩინონ, თავი მოგვაწონონ თავიანთი შემოქმედებით და ჩვენგან, ელიან თანადგომას, მხარდაჭერას, აპლო-დისმენტებს...

ასე დაიწყო საესტრა-დო სტუდია „აისის“ წამყვანმა ქრისტინე ფარცვანიამ.

ერთი შეხედვით ჩვეუ-ლებრივი დღე საოცარ და დაუვიწყარ დღედ იქ-

ვიანოზე დაკვრა (მამა და მა-მიდა მომღერლები იყვნენ) ჰ ყავს სამი ძმა და ამით ბედ-ნიერია.

ელენე კვარაცხელია–უყ-ვარს სიმღერა, ცეკვა, ფორ-ტეპიანოს დაკვრა, გაწონას-წორებული, ვერცხლისწყალი-ვით მოძრაობა.

ბარბარე კილასო-ნია–„ბარბი“ ნაზი, სიფრიფა-ნა გოგონა ფორტეპიანოზე დაკვრისა და სიმღერის სიყ-ვარულმა მოიყვანა ჩვენთან. არის ძალიან ნიჭიერი, კომუ-ნიკაბელური, მოწესრიგებლი, კარგი მუსიკალური მონაცე-მების მქონე გოგონა.

სესილი სახურია–ყველა-

თვალეციმციმა და სი-ცოცხლით სავსე ბავშვები უმ-ღერიან მზეს და ნათელ მო-მავალს. სიხარულით სავსე ცხოვრებას. სიკეთეს, სიყვა-

ვენ (ქალბატონ დარეჯანთან საუბრისას გავიგე, რომ პაა-ტა ბურჭულაძე და ის ერთი ბებია და ბაბუის შვილთაშვი-ლიშვილები არიან).



აქ ემდებრა გულს...



ცა. შესრულდა კომპოზიტო-რების მაკა არემიძის, რუსუ-დან სეფისკვერადის, ლალი საყვარელიძის, ლილი იაშვი-ლის, მანანა მერაბიშვილის, გიორგი ცაბაძის, სალომე კორკოტაშვილის და ლევან-დარული ჯგუფის „ბით-ლზების“ რეპერტუარიდან სიმღერები.

საოცარი ურთიერთშერწყმა, საინტერესო და მხიარული მი-ზანსცენები მრავალმხრივსა და მრავალფეროვანს ხდიდა სადამოს ზღაპრების გმირები, მხიარული თამაშობები, ბედ-ნიერი სახეები, სიცოცხლით სავსე ბავშვები.

ელენე ლავილავა–პატა-რა ასაკიდან მოვიდა სტუდი-აში. არის ჭკვიანი, ნიჭიერი, თბილი, არტისტული გოგო-ნა. ოცნებობს ნახოს პარიზი, ლონდონი, რომი და მსოფლი-ოს სხვადასხვა ღირსშესანიშ-ნავი ადგილები.

ლიკა მიქაუტაძე–ყოჩაღი, ჭკვიანი, აქვს კარგი ხმა და კარგი მუსიკალური მონაცე-მები, უყვარს ხატვა, ფორტე-

ზე პატარა შემსრულებელი. სესო არის ძალიან, ძალიან თბილი და მოსიყვარულე, უყ-ვარს სიმღერა, ხატვა, გაპ-რანჭვა. ის წელს სკოლაში მიდის და ძალიან უხარია, მო-დით, გზა დაგულოცოთ მას და წარმატებები ვუსურვოთ.

ანა-სოფია სანაია–ის უკ-ვე მეორეკლასელია, დინჯი, საზრიანი, ლამაზი, შრომი-სმოყვარე. აპირებს ფორტეპი-ანოს დაკვრის შესწავლას.

გიორგი ჯღარაკვა–სტუ-დიის დამამთავრებელი კლა-სის წარმატებული მოსწავლე-ნიჭიერი, გონიერი, მონდო-მებული, მოწესრიგებული, კარგი მუსიკალური მონაცე-მების მქონე.

მიხეილ სახურია–ნიჭიე-რი, ჭკვიანი, ძალიან მოძრა-ვი, კარგი მუსიკალური მო-ნაცემების მქონე ბიჭი. სტუ-დიაში სწავლის პერიოდში ჩა-ტარებულ ყველა კონცერტზე წარმატებული გამოსვლებით დაამახსოვრა თავი ყველას, უყვარს სიმღერა, ცეკვა, გი-ტარაზე დაკვრა.

რულს, ბედნიერებას.

სტუდია „aisi-ს“ დამაარ-სებელი და დღემდე უცვლე-ლი ხელმძღვანელი, ქალბატო-ნი დარეჯან გაბრავა, რომე-ლიც პროფესიონალი მუსიკო-სია, თავად არის სცენარის ავტორი, მხატვარი, დიზაინე-რი და რაც მთავარია, თვალხატულა გოგო-ბიჭების უსაყვარლესი მასწავლებელი. ის 39 წელიწადია ცდილობს მომავალი თაობისთვის მუსი-

ნობის მუნიციპალიტეტის კულტურულ საგანმანათ-ლებლო ცენტრთან არ-სებული სტუდია „აისის“ მოსწავლეებმა ზაფხულის ცხელი დღე... „გააგრილეს“ ჩვენ კი... დავტოვეთ ბედნი-ერი, მუსიკის ჰანგებით დამტკბარი დარბაზი, კაშკა-შა ფეიერვერკები და კიდევ ერთხელ დავრწმუნდით, თუ როგორ უყვართ ბავშვებს მუ-სიკა, სიმღერა, ცეკვა, თოჯინები, ზღაპრები, სიყვა-რულის გარემოცვაში ყოფნა, თამაში, გართობა, საყვარელ ადამიანებთან პარკში სეირ-ნობა. (ვისარგებლებ შემთხვე-ვით და საქართველოს პარლამენტის ნობის მაჟორი-



კა, ქორეოგრაფია, ლექსი და საერთოდ, ხელოვნება ცნობადი, ხელმისაწვდომი და ახლობელი გახადოს, რომ წლების შემდეგაც ისულდგმუ-ლონ იმ სიყვარულით და დი-რებულებებით, რომლებიც ცხოვრებას ამშვენიერებენ უფ-რო თბილს სასიამოვნოს და მსუბუქს ხდიან.

მათ საოცარი ოჯახი აქვთ. ხალხური სიმღერების მოტ-რფიადლე ბატონი ალიმ ჟიშ-კარიანი ნობის მუნიციპალი-ტეტისთვის ცნობადი სახეა. შვილები გიორგი და ვახტანგი მღერიან და უკრა-

ტარი დეპუტატის ინიციატი-ვით „ჭადრების ხეივანში“ გა-შენდება უნიკალური ტყე-პარ-კი, სადაც თითოეულ ბავშვს ექნება შესაძლებლობა ისეირ-ნოს, გაერთოს, დაისვენოს და ბედნიერად იცხოვროს.

მოდით, ურთიერთსიყვარუ-ლის დიდი ღოზით ვიართო ერთად, ვიმღეროთ ერთად. ჩვე-ნი მეგზური სიყვარულია. ეს საქართველო დალოცა ღმერ-თმა, მზე საქართველოს წმინ-და გულია.

წარმატებები „აისს“

ნაირა ბერაია

ჩვენს მუნიციპალიტეტში

წინასწარი დასკვნა კონკრეტულ და სექტორების შესახებ



საქართველოს ალექსანდრე ჯავახიშვილის სახელობის გეოგრაფიული საზოგადოების ვიცე პრეზიდენტმა, გეოგრაფიის მეცნიერებათა დოქტორმა, პროფესორმა ზურაბ ჯანელიძემ ნობის მუნიციპალიტეტში, მდინარე ნობისწყლის კალაპოტში აღმოჩენილი გეოლოგიური წარმონაქმნების შესახებ წინასწარი დასკვნა წარმოადგინა.

მისი განცხადებით მდინარის კალაპოტის გასწვრივ მიმოხეული გეოლოგიური წარმონაქმნები კირქვიანი კონკრეტებია, რომელიც მდინარის დინების მიერაა დამუშავებული და აღნიშნავს რომ, ასეთი ფორმისა და ზომის ნიმუშები დიდ იშვიათობას წარმოადგენენ. მისივე ვარაუდით არსებული ნიმუშები დიდი ხნის წინათ გადაშენებული ზღვის ცხოველებს, ე.წ. ამონიტებს გვანან, რომლებიც დაახლოებით 60 მილიონი წლის წინათ ბინადრობდნენ.

მოსაზრების გასამყარებლად კი შემდეგ რეკომენდაციებს იძლევა:

1. მოხდეს აღმოჩენილი წარმონაქმნების გადატანა შესაბამის ადგილზე მათი ნგრევა-განადგურებისგან დაცვის მიზნით;
2. ნიმუშები შესწავლილიქნას პროფესიონალი პალეონტოლოგებისა და ლიოლოგების მიერ.

მერიის საკონკურსო კომისიის სხდომა გაიმართა



ნობის მუნიციპალიტეტის მერიაში შემდეგი ვაკანტური თანამდებობების დასაკავებლად:

ა) ნობის მუნიციპალიტეტის მერიის ადმინისტრაციული სამსახურის საზოგადოებასთან ურთიერთობის, ადმინისტრაციულ ერთეულებში საქმიანობის კოორდინაციისა და საინფორმაციო უზრუნველყოფის განყოფილების მესამე კატეგორიის უფროსი სპეციალისტი ნობის ადმინისტრაციულ ერთეულში საქმიანობის კოორდინაციის საკითხებში;

ბ) ნობის მუნიციპალიტეტის მერიის ინფრასტრუქტურის, ურბანული განვითარებისა და არქიტექტურის სამსახურის ზედამხედველობის განყოფილების პირველი კატეგორიის უფროსი სპეციალისტი არქიტექტურულ-სამშენებლო საქმიანობისა და დასახლებებში გარე იერსახის ზედამხედველობის საკითხებში;

გ) ნობის მუნიციპალიტეტის მერიის პირველადი სტრუქტურული ერთეულის ხელმძღვანელი-მერიის შიდა აუდიტისა და კონტროლის სამსახურის უფროსი;

დ) ნობის მუნიციპალიტეტის მერიის პირველი კატეგორიის უფროსი სპეციალისტი - ნობის მუნიციპალიტეტის მერიის წარმომადგენელი ზემო ქვალოს ადმინისტრაციულ ერთეულში.

ვაკანსიების შესახებ განცხადება გამოქვეყნებულია საჯარო სამართლის იურიდიული პირის - საჯარო სამსახურის ბიუროს მიერ ადმინისტრირებულ ვებგვერდზე (<https://www.hr.gov.ge>).

დღის წესრიგით გათვალისწინებული საკითხების განხილვისა და შესაბამისი გადაწყვეტილებების მიღების შემდეგ სხდომა დახურულად გამოცხადდა.

ნობის მუნიციპალიტეტის მერიის სააკტო დარბაზში ნობის მუნიციპალიტეტის მერიის საკონკურსო კომისიის სხდომა გაიმართა, რომელსაც კომისიის თავმჯდომარე, ზვიად ბუკია უძღვებოდა.

კომისიის წევრებმა განიხილეს დღის წესრიგით გათვალისწინებული საკითხები:

1. ნობის მუნიციპალიტეტის მერიაში არსებული ვაკანტური თანამდებობების დასაკავებლად ღია კონკურსების გამოცხადება

2. ნობის მუნიციპალიტეტის მერიის საკონკურსო კომისიის გადაწყვეტილების პროექტი „ნობის მუნიციპალიტეტის მერიის პროფესიულ საჯარო მოხელეთა ვაკანტური თანამდებობების დასაკავებლად გამოცხადებული კონკურსის პროგრამის, პირობების, კანდიდატების შეფასების ფორმების დამტკიცების შესახებ“

3. ნობის მუნიციპალიტეტის მერიის საკონკურსო კომისიის გადაწყვეტილების პროექტი „ნობის მუნიციპალიტეტის მერიის პროფესიულ საჯარო მოხელეთა ვაკანტური თანამდებობების დასაკავებლად გამოცხადებული კონკურსის გრაფიკის დამტკიცების შესახებ“ .

ღია კონკურსები გამოცხადებულია

ვიზიტად წასვლით

მეოცე საუკუნის პირველ ნახევარში მოღვაწეობდა მწერალი და მთარგმნელი ჯაჯუ (კონსტანტინე) ჯორჯიკია. ჯ. ჯორჯიკია აქტიურად მონაწილეობდა ლიტერატურულ და საზოგადოებრივ ცხოვრებაში.

კონსტანტინე ჯორჯიკია დაიბადა 1885 წელს სოფელ ნოჯიხევში (ნობის რაიონი). 1904 წელს ჩაირიცხა ვალაბრის (საფრანგეთი) სასოფლო-სამეურნეო ინსტიტუტის აგრო-ბიოლოგიურ ფაკულტეტზე. 1907 წელს დაბრუნდა სამშობლოში და ქუთაისის სკოლებში ასწავლიდა ფრანგულ ენასა და ბუნებისმეტყველებას; 1911 წლიდან იყო საქართველოს საისტორიო და საეთნოგრაფიო საზოგადოების ქუთაისის განყოფილების გამგეობის დამფუძნებელი წევრი; 1921-1931წწ. -



გაზრდა ქართველი მწერლის, ჯორჯიკიას ნაწარმოებების პირველი პატარა ტომი. სამეგრელოს მკვიდრმა თავის თავში შეკრიბა თითქმის ყველა სიმდიდრე საქართველოს ამ შენანიშნავი კუთხისა. სამეგრელო ძვე-

ჯაჯუ ჯორჯიკიას „მინიატურა“

სასოფლო-სამეურნეო ტექნიკუმის დირექტორი; XX ს. 10-იანი წლებიდან მისი მინიატურები, მოთხრობები და თარგმანები იბეჭდებოდა ჟურნალ-გაზეთებში—„სახალხო გაზეთი“, „იმერეთი“, „კოლხიდა“, „სამშობლო“, „გრდემლი“, „ოქროს ვერდი“ და სხვა; იმდროინდელი ქართული კრიტიკა მის შემოქმედებას მაღალ შეფასებას აძლევდა; 1914 წელს გამოვიდა მწერლის თხზულებათა პირველი კრებული; 1925 წელს—მეორე—„ფერადი მოთხრობები“; ავტორია აგრეთვე ფრანგული ენის სასკოლო სახელმძღვანელოებისა.

ჯ. ჯორჯიკიას შემოქმედება მრავალმხრივ არის საინტერესო. ვისაც, ერთხელ მაინც წაუკითხავს მისი მინიატურები, არასდროს დაავიწყდება მწერლის სტილი და ლაკონურობა.

1925 წელს გამოიცა მწერლის მოთხრობების მეორე კრებული—„ფერადი მოთხრობები“. კრებულში შესული ყველა მინიატურა ერთნაირი მხატვრული ღირებულების არ არის, მაგრამ ზოგიერთი თამამად შეიძლება შევეიტანოთ იგავური ან ფილოსოფიური ბელეტრისტიკის ქართულ ანთოლოგიაში.

წარმოსახულისა და რეალურის ურთიერთმიმართების საკითხი ისეთივე ძველია, როგორც თვით ლიტერატურა. მოთხრობა „თაიგული“ სწორედ ამ საკითხის მხატვრულ ინტერპრეტაციას წარმოადგენს.

მინიატურების ერთ-ერთი განსაკუთრებული ნიშანი ის არის, რომ მწერალი სიტყვების მინიმალური რაოდენობით ახერხებს გადმოსცეს ფილოსოფიური აზრები, ისე, რომ ეს გასაგები იყოს რიგითი მკითხველისთვის.

კრებულში შესულია რელიგიურ თემაზე შექმნილი მოთხრობები. მაგალითად, „სიყვარული“—მწერალი გვეუბნება, რომ ყველაფრის საფუძველად მდებარეობს სიყვარული. იქ სადაც სიყვარულია, ბოროტება მარცხდება და უკან იხევს.

ჯ. ჯორჯიკიას შემოქმედებას მაღალ შეფასებას აძლევდა ცნობილი მწერალი გრიგოლ რობაქიძე.

—„ცოტა ხნის წინ გამოიცა ახალ-

ლი კოლხიდაა, საიდანაც სათავეს იღებს ქართული კულტურა, ის დღემდე რჩება საქართველოს ერთ-ერთ ყველაზე მდიდარ ეთნოგრაფიულ ერთეულად. მუქ-ლურჯი ზღვის ნაპირები ქარივით მოაქანებენ აქეთ ტკბილსურნელოვან მითებს, რომელთა დამაბრმავებელ მდინარეებში დროდადრო ჩაგესმის ძველი ელადის გასხვიონებული ფანტაზიის ნამსხვრევების ხმაური; უზარმაზარი ტყეების ქალწულებრივი სიღრმეები უყვებიან მას ზღაპრულ ამბებს, რომელთა ჯადოსნურ ნახტებში იგრძნობა გადამფრენი ფრინველების ლალი ქროლა. ამ ორმა მომენტმა საბოლოოდ განსაზღვრა ჯორჯიკიას შემოქმედებითი ფანტაზია: ერთი მხრივ, ელინური მითოლოგიური ფანტაზიის გადამტვირთული სხივები; მეორე მხრივ, კი - კოლხიდური ხალხური თქმულებები“ (გრ. რობაქიძე—ომი და კულტურა, გამომცემლობა არტანუჯი).

ცნობილ კრიტიკოსს, კიტა აბაშიძეს ჯ. ჯორჯიკია ოსკარ უაილდის ტიპის მწერლობის განმანათლებლად მიაჩნდა.

ჯორჯიკიას შემოქმედებას დაბალ შეფასებას აძლევდა გალაკტიონი—„მე ვამტკიცებ, რომ ჯ. ჯორჯიკია, სრულიად უბრალო, ჯერჯერობით უსახო და, მართლაც, ყოველგვარ პრეტენზიას მოკლებული მწერალია“ (გ. ტაბიძე, ახალი მწიგნობარი, 1915 წ.)

ჯ. ჯორჯიკია 1931 წლიდან მოღვაწეობდა თბილისში, უმთავრესად პედაგოგიურ სარბიელზე (საქართველოს თეატრალური ინსტიტუტი, ყოფილი 23-ე სკოლა და სხვა);

1944 წლიდან სიცოცხლის ბოლომდე იგი თბილისის ვაჟთა I საშუალო სკოლის დირექტორი იყო; მან დიდი წვლილი შეიტანა სკოლის მატერიალურ-ტექნიკური ბაზისა და სასწავლო-აღმზრდელი პირობების გასაუმჯობესებლად, ფართო ასპარეზი დაუთმო მოსწავლეთა საგნობრივ, ლიტერატურულ, თეატრალურ და სხვა შემოქმედებას, ამასთან მოსწავლეებს უნერგავდა დიდსულოვნებასა და

პროექტი ხორციელდება საოჯახო მედიცინის ეროვნული სასწავლო ცენტრის მიერ საქართველოს დაავადებათა კონტროლისა და საზოგადოებრივი ჯანმრთელობის დაცვის ეროვნული ცენტრის ეგიდით. იგი საპილოტეა და ამ ეტაპზე ტარდება მხოლოდ სამეგრელო-ზემო სვანეთის მასშტაბით.

ხობის მუნიციპალიტეტის მერიის დაფინანსებით—2018 წლის 1 აპრილიდან სექტემბრის ჩათვლით დაწყებულია და ჩატარდება საპილოტე პროგრამით 18 წლის ზემოთ მოსახლეობის C ჰეპატიტიზი და აივი-შიდსის ტესტირება და ტუბერკულოზის სიმპტომებზე მოსახლეობის გამოკითხვა. გამოკვლევები არის უფასო.

საქართველოში კვლავაც მაღალია აივი-შიდსის, C ჰეპატიტიზისა და ტუბერკულოზის გავრცელება. ეს დაავადებები ხშირად დიდი ხნის მანძილზე სიმპტომების გარეშე მიმდინარეობს და ამიტომ, ბევრმა ადამიანმა არც კი იცის, რომ ინფიცირებული ან დაავადებულია აივი-შიდსით, C ჰეპატიტიზით ან ტუბერკულოზით.

ჯანმრთელობის მსოფლიო ორგანიზაციის შეფასებით, საქართველოში ორი აივი-ინფიცირებული ადამიანიდან ერთმა არ იცის საკუთარი სტატუსი. C ჰეპატიტიზის ყოველი სამი შემთხვევიდან მხოლოდ ერთია დადგენილი, ტუბერკულოზით დაავადებული ყოველი 2 ადა-

გამთავლინა, უმკურნალო, შეხერხე

აივი-შიდსის, C ჰეპატიტიზისა და ტუბერკულოზის აღრეული გამოვლენა პირველად ჯანდაცვაში.

მიანიდან მხოლოდ ერთის გამოვლენა ხერხდება, რაც ზრდის ტუბერკულოზის შემდგომი გავრცელების რისკს, უფრო მეტიც, ეს დაავადება ურთიერთკავშირშია და ხშირად ერთად იჩენს თავს.

ტუბერკულოზით დაავადებული ასი ადამიანიდან 5-ს შესაძლოა, აივი-შიდსიც ჰქონდეს, ხოლო აივი-შიდსის მქონე ადამიანების ნახევარს, C ჰეპატიტიც. ეს კავშირი აიხსნება იმით, რომ აივი-ინფექციის და C ჰეპატიტიზის, როგორც სისხლის გზით გადადები ინფექციების გავრცელების გზები მსგავსია. ორივე ვირუსი ყველაზე ხშირად გადაეცემა:

—ინექციური ნარკოტიკების საერთო შპრიცითა და ამ მიზნით გამოყენებული სხვა, საერთო ატრიბუტების მოხმარებისას.

—სამედიცინო დაწესებულებებში არასტერილური სამედიცინო იარაღების გამოყენების დროს.

—შეუმოწმებელი სისხლისა და სისხლის პროდუქტების გადასხმის

დროს. აივი-შიდსისა და C ჰეპატიტიზის შემოქმედებით დასუსტებული ორგანიზმი მეტად მგრძობიარე ხდება ტუბერკულოზის გამომწვევი ბაქტერიის მიმართ, რაც ზრდის დაავადების რისკს.

აივი-შიდსის, C ჰეპატიტიზისა და ტუბერკულოზის აღრეული გამოვლენისა და სწორი მკურნალობის შემთხვევაში, გამოსავალი კეთილსამელოა.

გამოიყენეთ ოჯახის ექიმთან ვიზიტი, როგორც შესაძლებლობა იმისთვის, რომ გაიგოთ თქვენი სტატუსი.

მოეწოდებთ, ჩვენი მუნიციპალიტეტის მოსახლეობას და მივმართავთ თხოვნით ჩაიტარეთ—სწრაფი ტესტი აივი-ინფექციაზე.

—ჩაიტარეთ სწრაფი ტესტი C ჰეპატიტიზზე.

—იფიქრეთ ტუბერკულოზზე, თუ ხანგრძლივად გახველებთ, უჩივით საერთო სისუსტეს, ტემპერატურის მომატებას ან წონაში კლებას, უთხარით



ამის შესახებ ოჯახის ექიმს.

—ტუბერკულოზის სიმპტომებზე ყურადღების გამახვილება განსაკუთრებით მნიშვნელოვანია, თუ უკვე გაქვთ დადგენილი აივი-შიდსი ან C ჰეპატიტი.

თუ ტესტების პასუხი დადებითია, ან ოჯახის ექიმი ჩათვლის, რომ მაღალია ტუბერკულოზის ალბათობა, მიმართეთ სპეციალიზებულ სამსახურებს დიაგნოზის დაზუსტებისა და მკურნალობისთვის

აივი-ინფექციის, C ჰეპატიტიზისა და ტუბერკულოზის დიაგნოსტიკა და მკურნალობა, პაციენტებისთვის უფასოა.

ჯუშუბერ ტურაბაძე,

ხობის მუნიციპალიტეტის მერიის ა(ა)იპ. საზოგადოებრივი ჯანდაცვის დირექტორის მოადგილე-ექიმი პროფილაქტიკის.

ჯონი ხეხურიანი ევროპის პირველის პრიზიორია



იტალიის დედაქალაქ რომში მიმდინარე ევროპის პირველობაზე წარმატებით იასპარეზა საქართველოს ბერძნულ-რომაული სტილით მოჭიდავეთა ნაკრების წევრმა ჯონი ხეხურიანმა.

ხობელმა ფალავანმა ფინალური შეხვედრა ბელარუს ალექსანდრ ლიავონიჩთან დათმო და 67 კილოგრამ წონით კატეგორიაში ევროპის პირველობის ვერცხლის პრიზიორი გახდა.

ვულცავთ ხობელ სპორტსმენს მოპოვებულ წარმატებას.

მოყვარულ ფეხბურთელთა პირველობაზე

საქართველოს ფეხბურთის ეროვნული ფედერაციის, საქართველოს სამოყვარულო ფეხბურთის ასოციაციის, სამეგრელო-ზემო სვანეთის რეგიონის ფეხბურთის ფედერაციის, რეგიონის ქალაქებისა და მუნიციპალიტეტების მხარდაჭერითა და ხელშეწყობით ტარდება რეგიონის პირველობა მოყვარულ ფეხბურთელთა შორის, სადაც 10 გუნდი იღებს მონაწილეობას. ჩვენი მუნიციპალიტეტიდან რეგიონის პირველობაზე გამოდიან მუნიციპალიტეტის 2018 წლის ჩემპიონი და მეორე პრიზიორი ხეთისა და შუა ხორგის ფეხბურთელთა გუნდები, რომლებიც აბაშის, სენაკის, ფოთის, მარტვილის, ჩხორიწყის, წალენჯიხისა და ზუგდიდის გუნდებს ეთამაშებიან. კარგად აიღეს სტარტი ხეთელმა ფეხბურთელებმა 7 თამაშიდან 5 მოიგეს, მხოლოდ 2 წააგეს და ლიღერთა გგუფში იმყოფებიან. მათ აქვთ დიდი შანსი, რომ გავიდნენ რესპუბლიკურ ეტაპზე.



შუა ხორგელებმა 7 თამაშიდან 2 მოიგეს, 3 ფრედ დაამთავრეს, 2 წააგეს და ინარჩუნებენ შემდგომ ეტაპზე გასვლის შანსს.

იმედია, მომავალ შეხვედრებზე კარგად იასპარეზებენ ხეთის და შუა ხორგის ფეხბურთელთა გუნდები და წარმატებით და დაიცავენ ჩვენი მუნიციპალიტეტის სპორტულ ღირსებას.

წარმატებები ვუსურვოთ მათ.

ლევან ლემონჯავა

მკოცვა

მარი ბაბუას



უაღრესად ჭკვიანო, ნიჭიერო, ყველას მისიყვარულო და კისხისა გვგონავ. გილმგავ დამადგინის დღეს. ჯანმრთელმას, დიდხანს სიცოცხლეს, წარმატებულ სწავლას, სალისიან დღეებს და ნამდვილ სახელმწიფო ძალად აღზრდას გისურვებ.

უფალი იყოს შენი შემწე და მფარველი. ღმერთმა დაგლმდეს. გყვები და გვინძვ. დიდი სიყვარულით

შენი ნაირა.

ხობის მუნიციპალიტეტის ბეჭდვითი ორბანო
გამომცემელი: ხობის მუნიციპალიტეტის კულტურულ-საგანმანათლებლო საზოგადოებრივი ცენტრი.
სარედაქციო კოლეგია: მერი ლავილია, ნანი კილასონია, როზეტა შულაია, ბორის ბერაია, ბეჟან ნადარაია, ირაკლი შონია, თამთა ბუკია. კომპიუტერული უზრუნველყოფა— ჯულიეტა ლატარია. გაზეთი აეწყო და დაკაბადონდა ხობის მუნიციპალიტეტის კულტურულ-საგანმანათლებლო საზოგადოებრივი ცენტრში.
 ტელ: 0 (414) 22-20-31; 599-50-40-57; 577 21-41-44.
 ელ. ფოსტა: xobismoambe@mail.ru.
 დაბეჭდა შ.პ.ს. გამომცემლობა „კოლორში“. თბილისი, რკინიგზის ჩიხი №20.
 გაზეთი ხელმძღვანელობს თავისუფალი პრესის პრინციპებით. გაზეთში დაბეჭდილი მასალის სიზუსტეზე პასუხისმგებელია ავტორი.